

Ptolomeus Evergetes philometoris filius Cleopatreae germanus optimus egyptiorum rex: regnavit annis. 29. Vir quidem pessimus atque severissimus ob cuius sevitiam frater eius et Cleopatra soror sibi timentes regnum ei per legatos obtulerunt. cum fraternum regnum sine ullo certamine recepisset elatus factus: fratris filium e complexu matris enecavit: et omnes eius fautores trucidavit. Et sic civibus suis cruentus extitit: Ita quoque romanis qui illic venerat ridiculo fuit. Quia ut Justinus scribit. Vultu deformis erat statura brevis et sagina ventris beluae similis. Quam quidem feditate nimia vestis subtilitas augebat. Hic quippe filios ex sorore et ex uxoris sorore suscepit. Et etiam sororis filiam per vim stupravit. Cuius filius membratim divisum et in cista positum in die natalis eius inter epulas iussit offerri.

Ptolomeus phison qui et Sother evergetis filius octavius egyptiorum rex. regnavit annis. 17. his temporibus Antiochus tyricenus demetrii filius et antiochus griffi regis frater adinvicem dimicantes successive modo unus modo alter regnabant. Inter has autem regni Syrie parricidiales discordias mortuus est ptolomeus iste relicto regno uxori.

Ptolomeus alexander nonus egyptiorum rex regnavit expulso fratre annis. 10. Hic ptolomei sother predicti frater fuit. Cleopatra mater. postquam cum maiore filio decem et septem annis regnasset graviter ferens filii societate populum in eum concitavit et in Cyprium exulare coegit. Accersito isto alexandro minore filio in locum fratris secum regnare fecit. Sed tandem ab eodem occipata interficitur. Et a populo in exilium actus. Ptolomeus sother reuocatus in regnum. Atque alexander regni cyreneorum quod ei pater testamento reliquerat populo romano herede instituto decessit.

Ptolomeus Sother paulo ante a matre pulsus. hic anno Alexandro ab egyptiis interfecto regnum paternum iterum recuperans regnavit annis octo. Cum enim alexander matrem occidisset ipsum in vindictam matris repulerant. ut iam scriptum fuit.

Hannibal hamilcaris Carthaginensium ducis filius. quinque et viginti etatis annos habens Imperator carthaginensium exercitus creatus est hic ceteris ducibus prudentia. audacia. consilioque ad pericula capescenda anteibat. Imperator factus triennio omnes hispanie gentes bello subegit. fratremque suo Asdrubale ad hispanie custodiam relicto. ipse pyrrenum saltum transiit. Et postquam ad alpes pervenit que scilicet ytaliam a gallia seungunt. quas nemo unquam cum exercitu preterquam hercules transierat: ita itinera et loca lapidosa strues comburendo et acetum infundendo patefecit ut Elephas oneratus ire posset. cum antea vix unus homo quiret repetere. In eo tamen loco multi niibus obruti cum elephantis periere. Tradidit ad ytaliam. lxxx. milia peditum et viginti milia equitum septem et triginta elephantes adduxisse. Descendit itaque Hannibal in Thaurinenses agros. Et puagata tota regione Cisalpina romanos tribus preliis profugavit: ac multas urbes obtinuit. Adde per ligures fecit Postea appenninum transiliens apud ethruriam ubi nunc florentia gravi oculo morbo affectus est. ut dextrum amiserit oculum. deinde L. flamineum interfecit: qui factus fabius maximus a senatu contra ipsum missus per summa montium et abdita nemorum castra ponens eius feruorem delusit. trepta occasione aretinorum auxilio vicit. Et sic per sedecim annos totam ytaliam variis cladibus fatigavit. Inde in apuliam pergens maxima clade romanos apud cannas affectit. In quo quidem proelio tot romanorum milia cesa sunt: ut tres annulorum aureorum modios quos e romanos militum manus extraxerat Carthaginem mitteret. Consulares quoque viri ac senatores capti aut occisi fuere. Et de romanis actum fuisset si Hannibal statim post victoriam ad urbem accessisset. Is tamen coactus ytaliam relinquere et opere patrie sue ferre que a publico scipione premebat. Cum carthaginenses cum romanis pacem composuere ad antiochum regem confugit. deinde ab bithynie regem L. quintus legatus contra eum prexit. Ne a romanis caperetur confestim gustato veneno quod in annulo more regio gerebat animam expulit. Et sic eo genere mortis a romanorum vinculis se liberavit. Decessit autem septuagesimo vite sue anno.

Linea Regum Egypti

Ptolomeus evergetes



Ptolomeus phison sive sother



Ptolomeus alexander



Ptolomeus sother

